



Šverceru droge povećana kazna



Detalji s privođenja švercera heroinom i skankom

Aliju Lokaju 12 godina robije

Apelaciono vijeće Suda BiH je nakon žalbe na presudu Tužilaštva BiH Ali Lokaju povećalo kaznu zatvora sa sedam na 12 godina.

Lokaj je proglašen krivim po svih sedam tačaka optužnice jer je organizovao grupu koja je švercovala heroin i skank iz Makedonije i s Kosova u BiH i dalje u Srbiju.

Podsjetimo, krajem novembra 2015. Lokaj je samoinicijativno pred Sudskim vijećem Suda BiH priznao krivnju, nakon čega je i zaplakao. Početkom decembra 2015. Sudsko vijeće, kojim je predsjedavala sutkinja Tatjana Kosović, Lokaja je osudilo na sedam godina zatvora,

iako je za to djelo predviđena minimalna kazna od 10 godina. Cijenjeno je to što je priznao krivnju, ranija neosudivanost, kajanje, te spremnost da sklopi sporazum s Tužilaštvom.

Prethodno su Nijazi Muharemi, zvani Tiki Kiki, (53), rođen u Tetovu, te Nermin Planinčić (40) i njihovi branioci Muhidin Kapo i Senad Dupovac sklopili sporazume o priznanju krivice s državnim Tužilaštvom, te im je Sud izrekao kazne od po godinu i šest mjeseci robije.

Lokaj i ostali uhapšeni su sredinom decembra 2014. godine u akciji SIPA-e kodnog imena Oskar. E.F.